

10/1-16/17

Redovna
21.3.17

RC BANJA LUKA
Daniel Palinić
Član Skupštine SSUINO BiH

n/r VLADI ILIĆU-voditelju Skupštine SS UINO

Predmet: Prigovor na Zapisnik sa Redovne Skupštine SS UINO BiH od 04.3.2017.g

Ulažem prigovor na Zapisnik sa Redovne Skupštine SS UINO BiH broj:10/1-2/17 od 04.3.2017.godine održane na Vlašiću a koji se odnosi na neunošenje u zapisnik jako bitnih činjenica iznijetih po predloženim tačkama dnevnog reda, sa moje strane, a kako slijedi:

Po prvoj tački dnevnog reda koja se odnosila na žalbu Ane Mrnjavac na Odluku UO SS UINO BiH o njenom isključenju iz SS UINO BiH nisu u Zapisnik unijete moje primjedbe da o glasanju o isključenju Ane Mrnjavac pravo glasa nemaju članovi UO SS UINO BiH sukladno članku 22. Stavak 4. Statuta SS državnih službenika i zaposlenika u UINO BiH broj:10/1-99/14 od 21.12.2014.godine, pa su prisutni članovi bez obzira na moje ukazivanje o odredbama Statuta glasali što smatram da je donijeta Odluka nezakonita, a da ne navodim ostale činjenice na kojima se temelji ova Odluka koje sam izložio na sjednici jer niti jedna od optužbi kako je dotična rušila ugled sindikata blatila predsjednika sindikata nisu dokazane.

Po drugoj tački dnevnog reda koja se odnosila na finansijsko izvješće za period od 01.4.2013.godine do 31.12.2015.godine nije prikazano brojčano glasanje po ovoj tački, pa tako ispada da je ovo izvješće jednoglasno usvojeno a ja znam da sam glasovao protiv ovog izvješća. Isto tako na sjednici sam isticao, što nije ušlo u zapisnik, da kako je moguće usvojiti pomenuto izvješće kada je očevidno da određena sredstva samim Zapisnikom Nadzornog Odbora SS UINO BiH ukazuju na netransparentno korištenje novčanih sredstava SS UINO BiH, a nepokrenuti niti kakvu odgovornost protiv osoba koja su navedena u netransparentnom trošenju sredstava. Nadalje, isticao sam da su raspoloživa sredstva za izvještajni period u visini cirka 428.000,00 KM (uključujući i sredstva iz prethodnog sindikata u visini od cirka 132.000,00 KM), a u izvješću su u visini od 321.851,99 KM, što ukazuju na nedostatak od preko 100.000,00 KM što je trebalo prvo ispitati pa tek onda pristupiti usvajanju pomenutog izvješća.

Po četvrtoj tački dnevnog reda ja nisam glasovao za to da se članovima sindikata plati pola učešća za prisustvovanju 8 sportskim susretima zaposlenih u UINO BiH, prvo što je to kupovina članstva , a drugo što je to veliki finansijski udar na sredstva sindikata, te niti po ovoj tački nije iskazan broj glasova za, protiv i suzdržani.

Isto tako isticao sam što je zadaća sindikata, a non stop se ističe beskompromisna borba protiv kriminala i korupcije kao osnovni zadatak sindikata, a ne kao redovan posao pojedinaca.

Na kraju napominjem da sam striktno tražio od zapisničara da u zapisnik uđe sve ovo naprijed navedeno, te stoga inzistiram na izmjeni zapisnika na što u krajnjem slučaju imam pravo kao član Skupštine.

Banja Luka, 20.03.2017.

Član Skupštine

Daniel Palinić